

225844


明

詩

精

萃

丁永康物書連



中國古典詩詞欣賞



3
K

沈陽
出版
社

感 怀

刘 基

结发事远游，

逍遥观四方。

天地一何阔，

山川杳茫茫。

众鸟各自飞，

乔木空苍凉。

登高见万里；

怀古使心伤。

伫立望浮云，

安得凌风翔？

饮 酒

林 鸿

儒生好奇古，

出口谈唐虞。

倘生羲皇前，

所谈竟何如。

古人既已死，

古道存遗书。

一语不能践，

万卷徒空虚。

我愿但饮酒，

不复知其余。

君看醉乡人，
乃在天地初。

峨眉亭

张以宁

碧酒双玉瓶，
独酌峨眉亭。
不见李太白，
唯见三山青。
秋色淮上来，
苍然满云汀。
安得十五弦，

弹与蛟龙听。

暮 归

蓝 仁

暮归山已昏，

濯足月在涧。

衡门栖鹊定，

暗径流萤乱。

妻孥候我至，

明灯共蔬饭。

伫立松桂凉，

疏星隔河汉。

明皇秉烛夜游图

高 启

花萼楼头日初堕，

紫衣催上宫门锁。

大家今夕宴西园，

高燕银盘百枝火。

海棠欲睡不得成，

红妆照见殊分明。

满庭紫焰作春雾，

不知有月空中行。

新谱霓裳试初按，

内使频呼烧烛换。

知更宫女报铜签，
歌舞休催夜方半。
共言醉饮终此宵，
明日且免群臣朝。
只愁风露渐欲冷，
妃子衣薄愁成娇。
琵琶羯鼓相追逐，
白日君心欢不足。
此时何暇化光明，
去照逃亡小家屋。
姑苏台上长夜歌，
江都宫里飞萤多。

一般行乐未知极，
烽火忽至将如何？
可怜蜀道归来客，
南内凄凉头尽白。
孤灯不照返魂人，
梧桐夜雨秋萧瑟。

登金陵

雨花台望大江

高 启

大江来从万山中，
山势尽与江流东。

钟山如龙独西上，

欲破巨浪乘长风。

江山相雄不相让，

形胜争夸天下壮。

秦皇空此瘞黄金，

佳气葱葱至今王。

我怀郁塞何由开？

酒酣走上城南台。

坐觉苍茫万古意，

远自荒烟落日来。

石头城下涛声怒，

武骑千群谁敢渡？

黄旗入洛竟何祥，
铁锁横江未为固。
前三国，后六朝，
草生宫阙何萧萧。
英雄乘时务割据，
几度战血流寒潮。
幸逢圣人起南国，
祸乱初平事休息。
从今四海永为家，
不用长江限南北！

醉 樵 歌

张 简

东吴市中逢醉樵，
铁冠欹侧发飘萧，
两肩矻矻何所负？
青松一枝悬酒瓢。
自言华盖峰头住，
足迹踏遍人间路。
学剑学书总不成，
惟有饮酒得真趣。
管乐本是王霸才，
松乔自有烟霞具。

手持昆冈白玉斧，
曾向月里斫桂树。
月里仙人不我嗔，
特令下饮洞庭春。
兴来一吸海水尽，
却把珊瑚樵作薪。
醒时邂逅逢王质，
石上看棋黄鹄立。
斧柯烂尽不成仙，
不如一醉三千日。
于今老去名空在，
处处题诗偿酒债。

淋漓醉墨落人间，

夜夜风雷起光怪。

下瞿塘

孙 夔

我从前月来西州，

锦官城下十日留。

回船正值重九节，

巫山巫峡风飕飕。

人言滟滪大于马，

瞿塘此时不可下。

公家王事有程期，

敢憚微軀作人鮓。

人鮓瓮头翻白波，

怒流触石为旋涡。

长年敲板助船客，

破浪一掷如飞梭。

滩声橹声历乱聒，

紧摇手滑橹易脱。

沿洄划转如旋风，

半侧船头水花没。

船头半没船尾高，

水花作雨飞鬓毛。

争牵百丈上崖谷，

兩旁捷走如猿獠。

停船把酒酹蒼昊，

因笑吾身真草草。

吟詩未解追謫仙，

萬里經行蜀中道。

巴東早下想安流，

便指歸舟向峽州。

船到岳陽應漸穩，

洞庭霜降水如油。

度枫木岭

顾 璘

初指山接天，

飞鸟不可度。

艰苦蹶危磴，

即是我行路。

百折频攀援，

十步九回顾。

峻嶒忽在下，

衣襟湿云雾。

倒景犹照人，

平地黯将暮。

东北望故乡，

江流莽倾注。

长风万里来，

独立难久伫。

种麻篇

何景明

种麻冀满丘，

种葵冀满园。

孤生易憔悴，

独立多忧患。

当行思故旅，